

# Fundus/dinheru Adissional pa Famílias duranti COVID-19

## Introduson di Programa P-EBT



### Kuzé ki é P-EBT?

Pandemic - Electronic Benefits Transfer (P-EBT, sigla na ingles pa Pandemia - transferênsia ilétroniku di benefíssius) é mas un apoiu/ajuda pa kumida dadu pa famílias duranti pandemia/surtu di COVID-19. Famílias ta passâ ta ressebê \$5.70 pa kada fidju pa kada dia ki skola stiver fitxadu.

### Kenha ki ta ressebê karton di P-EBT?

Tudu famílias di Massachusetts ku fidjus/kriansas na idadi di skola ki ta kualifikâ pa refeisons di grassa/ku deskontu na pressu. Benefíssius di P-EBT sta disponibel pa agregadus familiar (kaza di família) y sen ligâ pa ses statutu di imigrason y es ka ta ser konsideradu pa regra di enkargu públiku (public charge).



### Modi ki N ta ressebê es dinheru?

Ka mestê ninhun rekerimentu (application) pa un pessoa ressebê es dinheru. Famílias ta ressebê kartons di P-EBT pa korreiu, y pa kes ki dja ten un karton di EBT, ta kressentadu dinheru na ses konta di EBT.

### Kuzé ki N podê kunprâ ku karton di P-EBT?

Artigus pa konsumu di kaza di família sima fruta, karnis/avi di kapuera/pexi, pon y produsus fabrikadu ku leti. Karton podê ser uzadu na lojas ki ta setâ benefíssius di DTA. Pa mas informason vizitâ: [fns.usda.gov/snap/eligible-food-items](https://fns.usda.gov/snap/eligible-food-items)



### Kandu ki N ta ressebê es dinheru?

Dinheru ta mandadu na Maiu. Ta dadu instrusions.

### Bu mestê mas ajuda pa kunprâ kumida saudável?

Talvez bu podê kualifikâ pa programa Supplemental Nutrition Assistance Program (SNAP, sigla na inglêns pa Assistênsia Suplementar di Nutrison). Djobê si bu ta kualifikâ na [mass.gov/SNAP](https://mass.gov/SNAP).

[www.MAP-EBT.org](https://www.MAP-EBT.org)



Contact Us:  
FoodSource Hotline  
Help offered in 160 languages  
**800-645-8333**

